



Na osnovu člana 2.12. stav (6) Izbornog zakona Bosne i Hercegovine („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 7/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), člana 7. tačka b) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, br. 1/22 – Prečišćeni tekst, 13/22 i 78/23) – (u daljem tekstu: Uputstvo), člana 19. Statuta Općine Novo Sarajevo („Službene novine Kantona Sarajevo“, br. 5/20 - Prečišćeni tekst i 20/20 - Ispravka), i člana 34. Poslovnika Općinskog vijeća Novo Sarajevo ("Službene novine Kantona Sarajevo", br. 24/19- Novi prečišćeni tekst, 20/20, 41/21, 45/22 i 47/23), Općinsko vijeće Novo Sarajevo, na 31. redovnoj sjednici održanoj dana 30.11.2023. godine, donijelo je

O D L U K U

o imenovanju Komisije za provođenje postupka po javnom oglasu za imenovanje 1 (jednog) člana Općinske izborne komisije Novo Sarajevo

Član 1. (Predmet)

Ovom Odlukom utvrđuje se broj, mandat, nadležnost i način rada Komisije za provođenje postupka po javnom oglasu za imenovanje jednog (1) člana Općinske izborne komisije Novo Sarajevo (u daljem tekstu: Konkursna komisija).

Član 2. (Imenovanje)

Za članove Konkursne komisije, imenuju se:

1. Bahrudin Delić- predsjednik,
2. Riad Idrizović - zamjenik predsjednika,
3. Nedim Salihagić - član.
4. Mirela Džehverović - članica,
5. Armin Handžar- član.

Član 3. (Mandat)

Mandat Konkursne komisije traje do okončanja povodenja postupka po javnom oglasu za imenovanje jednog (1) člana Općinske izborne komisije Novo Sarajevo, odnosno do dobivanja saglasnosti od strane Centralne izborne komisije Bosne i Hercegovine za imenovanje jednog (1) člana Općinske izborne komisije Novo Sarajevo.

Član 4. (Nadležnost)

Nadležnosti Konkursne komisije su utvrđene članom 9. i 10. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini.

(1) Nadležnosti Konkursne komisije su:

- a) po zatvaranju javnog oglasa konkursna komisija vrši pregled i klasifikaciju prijava kandidata na one koje ispunjavaju uslove tražene javnim oglasom i na one koji ne ispunjavaju uslove, o čemu sačinjava zapisnik (obraci utvrđeni Uputstvom) (Prilog 1 Uputstva - Tabela 1 i Tabela 2);
- b) Konkursna komisija je obavezna obavijestiti pisanim putem sve prijavljene kandidate o rezultatima izvršene klasifikacije;
- c) Konkursna komisija dostavlja pisani poziv kandidatima koji ispunjavaju uslove propisane javnim konkursom koji obavezno sadrži datum i termin zakazanog intervjua, poziv se dostavlja preporučenom poštom, e-mailom ili putem telefaks aparata najkasnije 3 dana prije dana održavanja intervjua;
- d) Konkursna komisija vodi detaljan zapisnik o intervjuu koji, između ostalog, obavezno sadrži postavljena pitanja i odgovore kandidata, bodovanje i utvrđivanje rang liste kandidata (obraci utvrđeni Uputstvom) (Prilog 2. i Prilog 3. Uputstva);
- e) Konkursna komisija sačinjava rang-listu sa redoslijedom kandidata prema uspjehu (ukupnom broju bodova) (Prilog 3 Uputstva-Tabela 2) i podnosi pisani izvještaj nadležnom organu o provedenom postupku kvalifikacije kandidata i prijedlog rang-liste,
- f) obavlja i druge poslove u vezi sa provođenjem postupka po javnom oglasu za imenovanje jednog člana Općinske izborne komisije Novo Sarajevo, shodno zakonskim i podzakonskim propisima.

(2) Konkursna komisija za svoj rad ostvaruje pravo na naknadu, u skladu sa Odlukom o naknadama vijećnicima, članovima radnih tijela i članovima Kolegija vijeća („Službene novine Kantona Sarajevo“, br. 11/19, 45/19 i 21/20).


Član 5.
(Rok)

Komisija će odmah po zatvaranju Javnog oglasa, otpočeti sa radom i shodno nadležnostima iz člana 4. ove Odluke, dužna je završiti u što kraćem roku, ali ne dužem od 30 dana, od dana zatvaranja Javnog oglasa.

Član 6.
(Stupanje na snagu)

Ova Odluka stupa na snagu osmog dana od dana objavljivanja u „Službenim novinama Kantona Sarajevo“.

Broj: 02OV-01-10510/23
Sarajevo, 30.11.2023. godine



PREDSDAVAJUĆA
OPĆINSKOG VIJEĆA NOVO SARAJEVO
Danijela Šahat